



Inatsisartunut ilaasortaq,
Emanuel Nûko
Maani/

**Tunumi tunitsiveqarneq pillugu § 37 naapertorlugu apeqqummut nr. 2021-175-
imut akissut**

Inatsisartut Suleriaasianni § 37, imm. 1 naapertorlugu Tunumi tunitsiveqarneq pillugu Naalakkersuisunut apeqquteqarputit. Apeqqut suliassaqarfigisannit akineqartussanngorlugu innersuunneqarpoq.

Ulloq: 14-12-2021
Suliap normua: 2021 - 21467
All. nr. 18678101
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

**1. Umiarsuit 40 tunup imartaani aalisartut Tasiilamut
tulaassisussaataalersinnaappat tunitsivissuarmik pilersitsisoqarpat?**

1)-imut Aalisarneq pillugu inatsit naapertorlugu taamaallaat kalaallit angallataat tulaassisussanngortinneqarsinnaapput. Angallatinit 40-usunit arfineq-pingasut 2020-mi Tunumi aalisartut kalaallit angallatigaat. Tunitsiviliisoqassappalli tamanna pillugu Naalakkersuisut nalilersuigumaarput.

a) Tasiilami tunitsivissuarmik pilersitsisoqassappat qanoq akeqassua?

b) Kulusummi ukioq naallugu aalisartut saarullinni tunitsivigisinnaasaanni pilersitsisoqassappat qanoq naleqqutissava?

b) Sermiligaami ukioq naallugu aalisartut qaleralinni suluppaakkanik saarullinnillu tunitsivissamik pilersitsisoqarpat qanoq naleqassava?

1 a-b)-mut Naalakkersuisut Tasiilami, Kulusummi Sermiligaamiluunniit aalisakkanik tunitsivinnik pilersitsinissaq qanoq akeqarumaarnersoq pillugu nalilersuisinnaanissamat paasissutissaateqanngillat. Sumiiffinni pineqartuni tunitsivinnik pilersitsinermut aningaasartuutit tassaaginnanngillat tunisassiorfinnik pilersitsinermut aningaasartuutit, aammali attaveqaasersuutit sorliit pilersinneqassanersut, soorlu innaallagiat, imeq minnerunngitsumillu avataasiorluni kilisaatit tulannissaannut pisaminillu tulaassinissaannut tunngatillugu talittarfiit. Tunitsiviup imminut akilersinnaaneranut tunisassiat sumiiffinnit pineqartunit assartorneqarsinnaanersut angallatillu ukiuunerani tulassinnaanersut aamma apequtaassapput.

c) Inuit qassit suliffissaqartinneqalissappat tunitsivissuarmik Tasiilami taavalu Kulusummi Sermiligaamilu tunitsivimmik pilersitsisoqarpat?

1 c)-mut 1 a-b)-mut akissut innersuussutigineqarpoq

d) Inuaqatigiinnut qanoq aningaasaqarnikkut kinguneqassua?

1 d)-mut 1 a-b)-mut akissut innersuussutigineqarpoq

e) Pisortat aningaasaqarnerannut qanoq naleqqutissava Royal Greenland pilersitsigaluarpat tunitsivinnik Illoqarfimmi nunaqarfimmilumi taaneqartuni Tasiilami Kulusummi Sermiligaamilu?

1 e)-mut 1 a-b)-mut akissut innersuussutigineqarpoq

2. Tunup imartaani aalisarneqartut 33.650,39 tons qanoq naleqarpat?

2)-mut Aalisakkap nalinganut aalisakkanik suut tunisassiarineqarnersut angallatillu aalisakkanik imaani tunisassiorsinnaanersut aalisakkanilluunniit tunitsivinnut tulaassisus-sannngortinneqarsimanersut apeqqutaalluinnarput. Tulaassisussaatitaaneq aalisakkap nalinganut aallaaviatigut annikinnerulersitsisarpoq.

Inussiarnersumik inuulluaqqusillunga


Aqqaluaq B. Egede

Aalisarnermut Piniarnermullu Naalakkersuisoq